

筆記小說大觀

集

清梁恭辰著
北東園筆錄

第四冊

進步書局校印

朱記山記

北東國筆

卷四

毛氏

序

勸戒近錄之刻成於癸卯冬季踰年而吳中遂有翻本板楮益精勸戒續錄之刻成於甲辰秋月近聞嶺西亦已有翻本不脛而走如是人情固不甚相遠哉今春在京中姚伯昂總憲惠示竹葉亭雜記夏間歸浦城徐樹人觀察由漳州封寄求福新書一帙黃璧菴刺史又雜錄西甌近事數十條皆義關勸懲為前二錄所未載者喜之不勝因附益以近所聞見重為詮次呈家大人鑒裁之甫得成書時知好中又續有錄寄者因亟定為六卷如前書之數先付梓人題曰勸戒三錄以見余之撰此書未有倦心其助余之成此書者亦未有倦心而從此為四錄為五錄皆當作如是觀矣民之秉彝好是懿德古人信不我欺也

道光乙巳臘月八日敬叔氏記於浦城之北東園



北東園筆錄三編目錄

第一卷

桐城張氏陰德

杭州許氏陰德

南昌萬氏陰德

方勤襄公

胡中丞

陳方伯

孫觀察

黃封翁

彭詠莪宗丞述二事

回然

嗣子起家

四美

江山巨族

某廉訪

某太守

冥中重苦節

不孝譴重

枉殺

關帝籤

滿招損

第二卷

漳州城隍

姚伯昂先生述二事

貧女報恩

神廟香火資

晉甯科甲

龍溪令

刑官宿孽

妄念辱身

欠債

勸孝

孝鬼草

宿冤索命

醵金贖女

解砒毒方

負債為驢

戒戲言

殺尼姑術

救難巧報

鬼畏孝子

醫地

薛二

戒食蠶

鴉片

錢學士

第三卷

會場孽報

懇冤鬼

託生報德

見鬼

仙桃草治傷

殺業果報

汗蟻人

食廩餼

孝媳

損人益己

効職冥中

科名前定

生日做功德

雷殛

柳州牧

黑巨川

頭脫

魔餐孽種

貞女奇遇

魂守金

妻棄薄倖

滕縣吏

諱不知

第四卷

書記為僧

經懺不如施捨

鬼畏老儒

鬼乞伸冤

輪迴

忍辱解冤

鬼打牆

鬼計陰私

陰惡墮天報

羅氏雙節

怨鬼託生

財色

孝力

後身應誓

天誅

蝙蝠撞鐘

神批偽官

鬼知節婦

李二夫婦

牛報恩

為師惡報

一念解脫

延壽

褻經削祿

金太婆

高僧奪舍

還葬宜慎

第五卷

文闌犯鬼

陳天簡

楊啟元

踐墳慘報

犯淫

不敬天怒

楊蔡二封君

張封君

劉巡司

不孝罪不在大

淫報

汗辱佛門

雷震賣豚人

不孝極惡

厚殮禍

吳元長

惡念喪身

楊宗潮

不敬字迹二事

慢神

李寡婦

劫盜還債

陳茂才

吳天爵

甌甯黃氏

梁藝圃

葉大林

鹿報

黃邦泰

葉煥金

灌陽兇案

懷集命案

黃壁菴述六事

第六卷

宿孽

江西某

鬼妻索命

富貴舊家

廖王太夫人

林敬堂述三事

陳霽庭述二事

鬼訛詐

虐婢報

茶司報恩

借軀託生

打銀匠

羅某

火葬

欺凌孤寡

公門陰德

婦女應酬

處州城隍

鬼擄掠

一念之差

劉武生

王四

王喜

悔過

厨役索命

烏報

犬報

林梅友述二事

敬師

一生不破口

請雷

婢報冤

高恒猷述二事

平陽二事

劉氏隱德



北東園筆錄三編卷第一

福州梁恭辰撰

桐城張氏陰德

桐城張息畊元宰與家大人壬戌同年。同登館選。家大人於壬戌秋奉諱歸里。故同年中雖覲面多不相知。迨乙丑入京散館。始漸款洽。而於息畊尤契厚。若素交。嘗問息畊君家韋平濟美。至今尚簪紱相承。其先必有莫大之隱德。息畊曰。余家有竹立城君聞之乎。余家先代某翁。文端公之祖也。嘗於雪夜見盜隱屋脊間。憫其凍。以梯掖之下。視之。則鄰也。携入書齋。望壺飧以食之。並贈數金遣之去。初不令家人知也。鄰感翁甚。常思所以報。後夫婦以力耕置田五六畝。一日往田間。見富家子與葬師詣一所相度。良久曰。佳哉。此鄉相城也。問有何驗。葬師曰。試插竹其間。竹越宿則萌矣。鄰聞之。歸述於妻。妻曰。向者急於圖報。張翁今其可矣。鄰問其故。妻曰。如是。是不亦可乎。鄰諾之。旦赴其地。竹果萌。乃去之。易以枯枝。頃葬師復來。訝其言之不應也。爽然去。鄰以計買之而歸之翁。翁曰。不可。貪天必厚禍。鄰曰。非公盛德不足當此。故請不已。乃受之。而償其直。後人遂呼此穴為竹立城云。家大人曰。堪輿之說不可不

信君亦聞吾鄉安溪李文貞公之事乎。文貞公之父某翁為某翰林佃戶。翰林延葬師卜地得一穴曰：此必出三公也。築將半有某葬師阻之不果築。前葬師恚甚時已薄暮立辭去。本與李翁素識遂借宿其家具以讒告。李敬奉之。乃問君父母歸土乎。李辭以未。曰：然則盍求某翰林棄地而葬之乎。我為君乞之。明日狀呈某翰林。某翰林正欲徵驗其地許之。葬師喜為諏曰：卜葬事畢將行告李曰：三年後我必來覆視也。後李耕倍獲家業漸裕。某翰林異之召後葬師問故對曰：禍本未成如於墓旁環以河禍將立至。某翰林即鑿河以試其言。河成而文貞公生矣。一日前葬師至李以鑿河告曰：福萃於茲矣。忽聞內室呱聲曰：君得丈夫子乎。請出視之。方額直準葬師曰：此一座台星也。恐彼葬師知之當遠徙毋速禍。乃合族遷居。某翰林知之命他佃護其墓。文貞公年十二隨父歸省墓德某翰林往謝之。翰林驚曰：何來此兒。是他日公輔器也。遂留於家。延明師訓之。此亦安溪相公家發祥之故事也。息耕為之嗟歎。時座中有江右同年某友以葬事與族鄰爭控不已。聞兩人縱談乃慨然曰：吾鄉諺云：福地福人來何爭之有。余本擬散館後急乞假回家了。此事今不復爾矣。眾叩之亦莫詳其顛委云。

杭州許氏陰德

錢塘許滇生尚書家。四世科第。每屆鄉會試。支屬羣從必有人登科第者。相傳其封翁樂亭先生為申韓老手。即滇生尚書之曾祖也。初就幕於陝甘兩省。後督部方恪敏公以厚幣延之。公辦事精敏。時平涼慶陽數府游饑。卧瑾相屬。封翁聞而憫之。私具一摺稿請公入告。並請發帑銀二十萬兩賑濟平涼等府饑民。遲之數日。摺尚未發。封翁即襪被辭館。公親至問故。曰待先生並無敢慢。今忽然辭館。想為請幣二十萬之摺遲疑未發耶。封翁曰此摺果發。必不辭館。公諾之。即日拜發去。後公意終惴惴謂所請過多。恐不能邀准。一月後奉回硃批。乃大蒙嘉獎。並以二十萬兩恐尚不敷加賑二十萬兩。公大喜過望。即詣封翁謝過。於是平涼等府數十萬生靈得免轉於溝壑矣。不數年封翁之詰嗣即領鄉薦。文孫學范學曾均接踵成進士。迨乃字排行益復昌盛。人謂許氏陰宅甚佳。詎知封翁之功德曾活數十萬生靈之所致哉。戴君槐谷為許氏姻親所述如此。當得其實也。

南昌萬氏陰德

家大人官河南監司時。南昌萬氏兄弟如廉山承紀湖北承紫皆本轄廳官往來最

熟稔聞其家門鼎盛詢厥由來則皆其尊人梅臯先生之世澤也先生名廷蘭字梅臯乾隆壬申春鄉秋會聯捷進士由庶常改知縣授直隸懷柔縣調宛平縣擢通州牧以東路廳事牽涉罷官抵罪者甚眾案獄者日事刑求眾皆不知所措先生獨惻然以一身任之一年獄成擬大辟餘官皆得免未幾朝廷亦微知其非罪也戊子秋讞蒙恩免勾丁酉春鑾馭東巡過通州見崇墉屹然問此城工何人承辦大吏以前任州牧萬廷蘭對遽蒙恩改緩決壬寅年忽奉特旨出獄計繫保陽獄者十六年矣時同案各官皆已旋里各出厚資來助歸計者不約而同先生悉笑卻之歸里後優游林下幾三十年至嘉慶丁卯壽終享年八十有九梁山舟先生為集元遺山詩句作輓聯云千文氣豪天也如一生詩在事堪傳有計樹園詩存行世今先生之幼子承絳以道光甲辰進士官山西知縣先生之孫啟明以嘉慶己巳進士歷官御史以嘉慶癸酉副舉人官浙江知縣曾孫立錦又中道光庚子舉人目下孫曾不下百餘人嗚呼盛矣

方勤襄公

吾閩臺灣林爽文之亂福節相

康安

來平之隨帶軍機章京二員一為方葆巖

維甸

一為范叔度鑿節相倚之若左右子命方專司訊鞫范專司文奏收復諸羅日在番山中搜出逆民千餘人節相欲盡寘之法姑付方訊錄供詞方逐名細如研鞫則皆被脅從者欲併釋之節相不可方持之益力後竟得盡活此後搜山所得悉仿此辦理所全殊多時論謂方之功德甚大宜有報後果敷歷封圻終於直隸督任謚勤襄家大人曰葆巖兩世為直隸總督其父恪敏公積厚流光嘗以片言釋保定瘋民犯驛之案最著人口前事詳錄又聞姚姬傳述公五十外尚未有子撫浙時使人於金陵買一女子公之女兄送之至杭擇日將納矣公偶至女兄所見詩冊有相知名問知此女携其祖父作也公曰吾少時與此女祖以詩相知安得納其孫女乎即還其家助資嫁之時公年六十一矣是年室中吳太夫人即生葆巖今復為尚書總督繼公後嗚呼此恪敏公之隱德人鮮知者聞勤襄公嘗言家門鼎盛乃皆不由翰林出身為憾今公子傳穆已由詞林出守海擢監司矣

胡中丞

翻陽胡果泉克家先生為家大人乙卯會試薦卷師相待極好初擬揀發吾閩道府相訂同出京謂有還鄉省親之樂也旋放廣東惠潮嘉道乃命家大人留京夏課不